

Na osnovu člana 40. stav 5. Zakona o prostornom planiranju i korištenju zemljišta na nivou Federacije Bosne i Hercegovine ("Službene novine Federacije BiH", br. 2/06 i 72/07), na prijedlog Federalnog ministarstva prostornog uređenja, Vlada Federacije Bosne i Hercegovine na 56 sjednici održanoj 21. 05. 2008.godine, donosi

U R E D B U

O IZMJENAMA I DOPUNAMA UREDBE O GRAĐEVINAMA I ZAHVATIMA OD ZNAČAJA ZA FEDERACIJU BOSNE I HERCEGOVINE I GRAĐEVINAMA, DJELATNOSTIMA I ZAHVATIMA KOJI MOGU U ZNATNOJ MJERI UTICATI NA OKOLIŠ, ŽIVOT I ZDRAVLJE LJUDI FEDERACIJE BOSNE I HERCEGOVINE I ŠIRE, ZA KOJU URBANISTIČKU SUGLASNOST IZDAJE FEDERALNO MINISTARSTVO PROSTORNOG UREĐENJA

Član 1.

U Uredbi o građevinama i zahvatima od značaja za Federaciju Bosne i Hercegovine i građevinama, djelatnostima i zahvatima koji mogu u znatnoj mjeri uticati na okoliš, život i zdravlje ljudi Federacije Bosne i Hercegovine i šire, za koju urbanističku suglasnost izdaje Federalno ministarstvo prostornog uređenja ("Službene novine Federacije Bosne i Hercegovine", broj: 85/07) u članu 2. tačka 1., u podtački 1) iza riječi: "pripadajućim" dodaju se riječi: "i pratećim", a iza riječi: "uređajima" dodaju se riječi: "u zaštitnom pojasu autoceste".

U podtački 1), alineja 1 iza riječi: "autocesta" dodaju se riječi: "osim za rekonstrukciju kojom se ne mijenja trasa, centara za praćenje i kontrolu saobraćaja, te izvođenje radova kojima se gradi ili postavlja građevina i oprema za zaštitu ceste, saobraćaja i okoline, nadstrešnica za vatrogasnu stanicu i parkiralište za vozila koja prevoze opasni teret".

U alineji 2 iza riječi : "prijelaz" dodaju se riječi: "osim za rekonstrukciju".

U podtački 2), alineja 1, iza riječi: "pruga" dodaju se riječi: "osim za rekonstrukciju na postojećim pravcima, ukrštanja željezničke pruge i ceste, željezničko-cestovnog i pješačkog prijelaza u istom nivou, svodnog puta, projektirane građevine, opreme za zaštitne konstrukcije, odvodne konstrukcije, ukrcajni-iskrcajne rampe, perona, stanične i druge uređene površine, manevarske staze, pristupne ceste, požarne ceste, projektirane konstrukcije, opreme pružnog donjeg stroja, pružnog gornjeg stroja, elektroenergetskog infrastrukturnog sistema, saobraćajno-upravljačkog i signalno-sigurnosnog i infrastrukturnog podsistema i ostalih funkcionalnih dijelova i opreme željezničke infrastrukture".

U podtački 2) iza alineje 1 dodaje se nova alineja 2 koja glasi:
"- željeznički granični prijelaz, osim za rekonstrukciju".

U podtački 3) alineja 1 riječi: "namijenjen za avione najveće dopuštene uzlazne mase 5,7 tona i više", zamjenjuju se riječima: "osim za rekonstrukciju kojom se ne povećava zgrada za prihvat i otpremu putnika i stvari te poletno-sletna staza ili stajalište".

U podtački 4) iza alineje 1 dodaje se nova alineja 2 koja glasi:

"-vodnu građevinu za plovidbu (plovni put sa pripadajućim objektima i vodne građevine), osim plutajućih objekata povezanih s obalom u funkciji uslužnih djelatnosti".

Dosadašnje alineje 2, 3 i 4 postaju alineje 3, 4 i 5.

U tački 2. podtačka 1) iza riječi: "građevine" dodaju se riječi: "sa pripadajućim i pratećim objektima , uređajima i postrojenjima".

U podtački 1) alineja 2 broj: "220" zamjenjuje se brojem: "110".

U podtački 2), iza alineje 3 dodaju se nove alineje 4 i 5 koje glase:

"- skladište nafte ili njezinih tečnih derivata kapaciteta 50.000 tona i više"

"- skladište tečnog naftnog plina kapaciteta 10.000 tona i više".

U podtački 3) alineja 2 mijenja se i glasi:

"- eksploataciono polje mineralnih sirovina sa pratećim objektima, na površini većoj od 5 ha".

Iza alineje 2 dodaje se nova alineja 3 koja glasi:

"- podzemno skladište prirodnog plina u geološkim strukturama".

U tački 3. podtačka 3) alineja 1 u drugom redu i alineja 5 slovo "i" briše se.

U podtački 4) alineja 1 iza riječi: "uključuju" slovo "i" briše se a iza riječi: "vode" dodaje se riječ "iz".

Iza alineje 2 dodaje se nova alineja 3 koja glasi:

"- kanalizacioni sistemi koji izlaze na teritoriju susjednih država."

U tački 6. alineji 3 broj "20" zamjenjuje se brojem "10".

Iza alineje 3 dodaje se nova alineja 4 koja glasi:

"- sportski objekti međunarodnog značaja".

U tački 7. iza alineje 1 dodaje se nova alineja 2 koja glasi:

"- građevinu za proizvodnju i skladištenje eksploziva i minsko-eksplozivnih sredstava za privrednu upotrebu".

U tački 8. iza alineje 1 dodaje se nova alineja 2 koja glasi:

"- univerzitetski klinički centri".

Član 2.

Član 3. mijenja se i glasi:

"- Građevine, djelatnosti i zahvati koji mogu u znatnoj mjeri uticati na okoliš, život i zdravlje ljudi Federacije i šire, u smislu ove uredbe, su one građevine, djelatnosti i zahvati za koje Federalno ministarstvo okoliša i turizma izdaje okolinsku dozvolu a koje su definirane Pravilnikom o pogonima i postrojenjima za koje je obavezna procjena uticaja na okoliš i pogonima i postrojenjima koji mogu biti izgrađeni i pušteni u rad samo ako imaju okolinsku dozvolu ("Službene novine Federacije BiH", broj: 19/04)".

Član 3.

Ova Uredba stupa na snagu osmog dana od dana objavljivanja u "Službenim novinama Federacije BiH".

Broj. _____ 08
21. 05. 2008.godine
Sarajevo,

Premijer
dr. Nedžad Branković, s.r.